

Na osnovu člana 3. stav (1) Zakona o naknadama za korištenje podataka i vršenje usluga u oblasti premjera i katastra nekretnina ("Službeni list SRBiH", br. 35/85 i 12/87 i "Službeni list RBiH", br. 4/93, 21/93 i 13/94), koji se u skladu sa članom IX. 5. (1) Ustava Federacije Bosne i Hercegovine, primjenjuje kao federalni zakon i člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 311. sjednici, održanoj 14.04.2022. godine, donosi

**ODLUKU  
O NAKNADAMA ZA KORIŠTENJE PODATAKA  
PREMJERA I KATASTRA**

I.

Ovom odlukom utvrđuje se visina naknade za korištenje podataka premjera i katastra nekretnina, katastra zemljišta, popisnog katastra i katastra komunalnih uređaja (u daljem tekstu: naknada za korištenje podataka).

II.

Naknada za korištenje podataka iz tačke I. ove odluke plaća se u visini određenoj Tarifom naknada za korištenje podataka premjera i katastra, koja se nalazi u prilogu ove odluke i čini njen sastavni dio.

III.

Naknada za korištenje podataka uplaćuje se na depozitni račun kantonalnog budžeta, sa naznačenom vrstom prihoda 722515, izuzev naknada iz tačke IV. ove odluke.

IV.

Naknada za korištenje podataka iz tarifnog broja 1.1., 1.2.1., 1.2.2., 1.2.4., 4., 6., 7. i 9. uplaćuje se na Jedinstveni račun Trezora Budžeta Federacije Bosne i Hercegovine.

V.

Naknada za korištenje podataka preostalih tarifnih brojeva uplaćuje se na račun javnih prihoda budžeta kantona prema mjestu izdavanja podataka.

VI.

Sredstva prikupljena iz tačke V. ove odluke kantonalni trezor raspoređuje 40% ovog prihoda na Jedinstveni račun Trezora Budžeta Federacije Bosne i Hercegovine, 30% na račun kantonalnog budžeta i 30% sredstava na račun budžeta općine u kojoj su sredstva ostvarena.

VII.

Danom stupanja na snagu ove odluke, prestaje da važi Odluka o naknadama za korištenje podataka iz oblasti premjera i katastra ("Službene novine Federacije BiH", broj 49/15).

VIII.

Ova odluka stupa na snagu osmog dana od dana objavljivanja u "Službenim novinama Federacije BiH".

V. broj 504/2022  
14. aprila 2022. godine  
Sarajevo

Premijer  
**Fadil Novalić**, s. r.